



ZIMBABWE SCHOOL EXAMINATIONS COUNCIL
General Certificate of Education Ordinary Level

KALANGA
PAPER 1

4013/1

SPECIMEN PAPER

2 hours

Additional materials:

LUBAKA Ma-awa mabili (2hours)

TJENESO KUNABANOHOOGWA

Kwala zina lilo, namba yekwele tjawunoholegwa kutjili nenamba iyo iwe unohogwa, muphepha lilo len'handulo/ mubhuku len'handulo.

Handula mibhuzo yose neTjiKalanga.

Kwalila n'handulo dzidzo mumaphepha ekwalila awapiwa.

Hapa wahingisa maphepha mabili kene anopinda, uwasungilile panhu pan'ompela.

ZWIZIBISO KUNABANOHOOGWA

Mibhayilo inopiwa mbhuzo umwe neumwe kene tjikamu tjembhuzo yakalakidziwa mumatanga [] kubupelo gwembhuzo.

Kunamapheji ali 5 akakwagwa nemapheji asinankwalo alimatatu 3.

Copyright: Zimbabwe School Examinations Council, Specimen paper.

©ZIMSEC Specimen paper

[Turn over

TJIKAMU TJEKUTANGA

Banohogwa banolayisidziwa kuti batole awa **in'ompela** behandula mbhuzo mutjikamu itjetji.

Hala n'holo un'ompela kuna ipasi ukwale ndebo kene lukwalo nekwawo. Hingisa matama angaba makulu mana ana makumi mahanu kunoti makulu mahanu (**450-500**). Mulukwalo adiresi matama anobuyisa ne anohhalila ewoneka haatobagwa mumatama ebulefu gunohakika mundebo. Muzuwisano mazina atobagwa mubulefu gunohakika gwendebo.

- | | | | |
|----------|------------|--|------|
| 1 | (a) | Mwezi | [50] |
| | (b) | Thalusa kuti thekinoloji yakahandula tjini butjilo gugo. | [50] |
| | (c) | Kwalila mbhati wekwele uwunlakidza bulemo gwamunohangana nago sebana bekwele banobva nhambo ikule. | [50] |
| | (d) | Bunhu itshinde lebutjilo gwenhu wose muZimbabwe. Nobvumilana nendebo iyeyi kene? | [50] |
| | (e) | Lembeleka kwedamba ate iko wakwalo. | [50] |
| | (f) | Kwala zuwisano pakati kwemwana nenzwadzi bezuwisana nembala kwebatshwa ihhawa mahhuba. | [50] |
| | (g) | Kwala ulondesedza kakale ulakidza kuti miha yantome yabulaya tjini tjaba. | [50] |

TJIKAMU TJEBUBILI

Bala ndebo inotobela ukohandula mibhuzo ipasi kwayo.

Letjani Nleya naiye wakabe elinhu sebamwe, enanlandu wetjilabo butjilo senhu wose ehanha bo panohakika kuti ahanhe, egwadziwa bo hapa eli munhanga isingahanise. Whoko kwaka eli iko kwakaba kusi nlandu uwe, koga kulibumbwa kukwebo. Waka esingake ekahaya whope nentha yemakhoda awe, bamwe bakatambunuka, nebutema gugwe gunopinda gwebamwe. Kose ikoku kwakabe kulipehhugwi kwemasimba awe. Lebeswa ndele kuti waka engazwidzidza nehhibende lile lipehhugwi ngobe ndilo lakalilakidza banhu bunhu gugwe, kuli iye wakazwikumbilila lobwa na Galani netjinyidzigwa nebanhu baka Ncube bakakoka nhu wose wakambala zwakanaka, akasunga thayi kuti awodlila pathebuli kubukwe gwemwanasikana wabo Ludo. Yezo-ke Galani we-Ndzimu nakatjenabo nezwimbalo zwitshwa zwakatengwa nemari yanhakapiwa natatayi hule kwetengesa nkabi mbili nhikapiwabo gumi lepono, nhinogala bo mbeli.

Yakawagwa thebuli nejila jena, kukalonjelegwa mipanga nemaforogwe, kukasiwa nemasevethi mbeli kwemwe nemwe, kukasiwa nekumwe kwetjikhwa kawaka esingazibe kuti ndekweni, Bakanginisiwa imhomo boLetjani nabo Galani nebamwe bahhuhha nemandala. Kodliwa nyama nerayisi. Kodliwa wali kuzuwiwa kuswiswaniwa ma 'sothi', 'pizi', 'phepha'. Watjitjenama koga Galani kuti ikoku kuni. Banhu banoswiswana benyunyudzila ma 'sothi' anonga munyu kumwe kungati ibilebile. Galani unokumbula kuti zwinhu izwezwi zodangwa zwiyi sothi 'pizi', hakuyi 'phepha' nhu unobe ekumbila mazwibhatigwa etuma umwe etjadla.

Wakatukutula Galani we-Ndzimu; unozama iwe! Wakadzoyedza bhaya hangana dzerayisi neforogwe dzikayengayila dzitebuka kube tjimwe tjinu. Unodzoti unotjeka nyama naiyo inowuntula mahula. Yakasodzoloka mundilo yefupa yakawala, nyama yakasunda rayisi ikahhala mujila, hayeti unowolela neforogwe kolamba. Atetjini? Wakatjebuka banhu bose kuti abone kene bakawunlinga akabona bakakangan'wa bedla zwabo. Hayeti unonunga neluboko whoyo Letjani wakawunlinga en'wanga Tadiwa. Wakakubona Galani kagwadziwa kwazo, hapo woyenyunyuma nedukuta tisingazibe kene kotiwa nedelegwa na Letjani, unozwita uhine pawunli.

Kubupelo banhu banjini bapedza, Galani we-Ndzimu waka akangoti jiliba! Aka kabala nezo dliwa zwizwe, zodliwa zwipasi pathebuli zwilizana nezwasala mundilo. Beni bendilo bakawolela zwidla iye ekati watjiguta. Wati etjebuka ekabona whoyo letjani naTadiwa befa neseka kakale. Mahhambi yaLetjani yakabe yekuti Galani wakawubona ekwenya Butjilo ewutondeka nelunyala. Lubaka gwedla gwakapela.

Nzano wakaNcube wakandila mbeli kuzipa zwako, Galani akawunlisa Letjani, akalindila kuti kuti zwalala. Wakalisa Letjani, kuti asiwumilile. Mhahha iye yakabe mahhambi kuna Letjani, ngobe atjikangan'wa kwatikala pathebuli, ngobe esakusa mun'holo, whoyo emilika pagubungano kuti anolobwa nemhepo. Haba bahunha babili batjiwunkomba.

“Ye nlume?” ndi Galani ebhuzwa “Wawundisekani hapaya kudliwa? Ini tjakayipa mundili tjawungadzina ukandiseka nebasikana babo? Nasi ndokulaya mbgwa. Handula, wawundisekani?” Galani hapo woyefemeleka ngobe buhongola gubila. Ngono Letjani eli Letjani zwe! Hazotongozunguzika, sekunoyi hakutolebelekewa naye. Wakagwadziwa kumbeli Galani, akatanga tjonya Letjani nelunyala esanhu akawuntonhodza nempama.

“Nlumewe,” Letjani wakahandula akakangan’a kuti Galani wahema, “Undibvile hapa. Hapa wakandilinga unondibona senhu unoda palana semakola kakale pakati kwebanhu?” Antohaka lingiligwa nebanhu imi handite tjihhema sawe.”

Yemewe! Hatoyago Galani, ijetjelumene hapa kwasima. Letjani wakawha zebe dzati tsii! Wakahhaligwa netjinopisa tjibhakele tja Galani. Wati eti unobhata zebe tjimwe tjipfuta tjigala panlomo, nlomo wabehhele malopa. Wakati eti unokunisa lulimi pehhugwi ekawha kugwadza mbgwimbgiwi.

Yanokogwa mubhuku: UMaweni: I.N.Mpofu, Mambo Press, Gweru. Ikahanduligwa muTjiKalanga.

Mibhuzo

- | | | |
|-----|--|-----|
| (a) | Ntupo waLetjani ndewaka yani? | [1] |
| (b) | Ndiyani waka epizigwa bukwe? | [1] |
| (c) | Ini kwaka kulipehhugwi kwemasimba aLetjani? | [1] |
| (d) | Iyeyi ndebo ungayipa n’holo unotini? | [1] |
| (e) | Lakidza zila mbili dzinolakidza kuti tengesewa kwen’ombe kwakamilidza tjini mambo a Letjani? | [2] |
| (f) | Busupi gunotjenesa kuti Galani waka esakawolobela zwinu zwetjikhwa ndigupi mundebo yawabala. | [2] |
| (g) | Galani waka eda gwa. Ilebese kene? Tjenesa. | [2] |
| (h) | Thalusa nekuhhele kuti Letjani wakakubala kungapani? | [2] |
| (i) | Ndebo iyeyi inokudiyani mubutjilo? | [2] |
| (j) | Ini kwakagwadzisa Galani moyo kwazo? | [1] |

(k) Thalusa matama anotobela sehingisiwa kwayo mundebo yawabala uhingisa matama asingapinde mahanu.

- (i)** esingake ekahaya whope,
- (ii)** wakazwikumbilila lobgwa,
- (iii)** benyunyudzila,
- (iv)** wakalisa
- (v)** palana,
- (vi)** Tjinopisa.

[5]

(l) Fupidzo

Fupisa ndebo yawabala uhingisa matama alim**akumi mahanu (50)**, fupidza sawoku.

Hatiti ndiwe Galani, londesedza bulemo gwawakahangana nago kubvila ugala pathembuli kunoti kunopelela ndebo.

[10]

BLANK PAGE

BLANK PAGE

BLANK PAGE